

Broj: 01-04-6-05992-5/2021
Sarajevo, 17.12.2021. godine

Na osnovu člana 90. Zakona o javnim nabavkama Bosne i Hercegovine („Službeni glasnik BiH“, broj 39/14), Pravilnika o postupku direktnog sporazuma („Službeni glasnik BiH“, broj 90/14), te čl. 6. i 7. Pravilnika o postupku javne nabavke putem direktnog sporazuma u Federalnoj upravi za inspeksijske poslove broj 01-02-6-01567/2015 od 31.3.2015. godine, nakon razmatranja Preporuke Komisije za javne nabavke broj 01-04-6-05992-4/2021 od 16.12.2021. godine, Direktor Federalne uprave za inspeksijske poslove, u ime ugovornog organa, donosi

ODLUKU

o dodjeli ugovora o nabavci materijala – roba za održavanje video nadzora objekta FUZIP-e

I

Prihvata se ponuda ponuđača Unilab doo Sarajevo od 13.12.2021. godine, te se ugovor o nabavci materijala- roba za održavanje video nadzora objekta FUZIP-e dodjeljuje navedenom ponuđaču, pod slijedećim uslovima:

- ukupna cijena: 5.955,00 KM bez uračunatog PDV-a, odnosno 6.967,35 KM sa PDV-om
- jedinične cijene po stavkama su date u obrascu za cijenu ponude ponuđača
- ugovor će se zaključiti na period do izvršenja predmeta ugovora
- rok plaćanja: 30 dana od dana ispostavljanja fakture

II

Ova odluka će se objaviti na web stranici Federalne uprave za inspeksijske poslove.

O b r a z l o ž e n j e

Postupajući po odluci o pokretanju postupka nabavke materijala- roba za održavanje video nadzora objekta Federalne uprave za inspeksijske poslove broj 01-04-6-05992/2021 od 7.12.2021. godine, pozivi za dostavljanje ponude su upućeni na adrese 3 potencijalna ponuđača.

U roku za dostavljanje ponude utvrđenom pozivom, svoju ponudu je dostavio jedan ponuđač i to Unilab doo Sarajevo.

Komisija za javne nabavke je odmah nakon isteka roka za dostavljanje ponuda 16.12.2021. godine na svojoj sjednici izvršila otvaranje ponude, kojom prilikom je utvrdila da je ponuda uredna sa formalno pravnog aspekta, te je pristupila njenoj evaluaciji. Konstatovano je da je ponuđač tražene robe ponudio po cijeni od 5.955,00 KM bez uračunatog PDV-a, odnosno 6.967,35 KM sa PDV-om. U ukupnu cijenu ponude uračunati su i instalacioni materijal, kao i radovi instalacije opreme koji podrazumjevaju izradu instalacija i montažu opreme, programiranje sistema i puštanje u rad, obuku korisnika u rukovanju sistemom.

Komisija je razmotrila dostavljenu ponudu sa aspekta ponuđenih pojedinačnih kao i ukupne cijene i tom prilikom je utvrdila da je sa aspekta cijene ponuda prihvatljiva. Također je konstatovano da je ponuđač prihvatio sve uslove zahtjevane pozivom za dostavljanje ponude.

Slijedom prednje navedenog, Komisija je sačinila preporuku za dodjelu ugovora broj 01-04-6-05992-4/2021 od 16.12.2021. godine, u kojoj je predložila da se sa navedenim ponuđačem zaključi ugovor o konkretnoj nabavci, te je istu dostavila direktoru uprave na razmatranje.

Nakon razmatranja dostavljene preporuke direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke žalba nije dopuštena.



Dostaviti:

1. Unilab doo Sarajevo, Drinska 70, 71000 Sarajevo
2. Sektor za tehničku podršku i plansko- analitičke poslove
3. Sektor za materijalno-finansijske poslove
4. Komsija za javne nabavke (a/a)